

詞

曲

別


藏

江蘇古籍出版社

遠山先生新樂府

王周士詞 蘋洲漁笛譜

詳註周美成片玉集 樵歌



王周士詞

江蘇古籍出版社

四庫未收書提要

學經室外集卷三

王周士詞一卷提要

宋王以凝撰以凝字周士湘潭人由太學生仕鼎澧帥幕靖康初徵天下兵以凝走鼎州乞解太原圍建炎中以宣撫司參謀制置襄鄧是編依毛晉汲古閣書鈔過錄凡三十一首以凝詞句法精壯如和虞彥恭寄錢遜升薦山溪一闋重午登霞樓滿庭芳一闋艤舟洪江步下沅溪沙一闋絕無南宋浮艷虛薄之習其他作亦多類是也

王周士詞目錄

水調歌頭 二首

滿庭芳 四首

驀山溪 二首

念奴嬌 三首

鷓鴣天 三首

臨江仙 三首

浣溪沙 三首

踏莎行 三首

感皇恩

慶雙椿

漁家傲

好事近 二首

虞美人

浣溪沙

南歌子

鷓鴣天

王周士詞

長沙王以寧周士

水調歌頭

裴公亭懷古

歲晚橘洲上老葉舞愁紅西山光翠依舊影落
酒杯中人在子亭高處下望長沙城郭獵獵酒
帘風遠水湛寒碧獨釣綠蓑翁懷往事追昨
夢轉頭空孫郎前日豪健顧拍五都雄起擁奇
才劍客十萬銀戈赤幘歌鼓壯軍容何似裴相
國談道老圭峯

又呈漢陽史君

大別我知友突兀起西州十年重見依舊秀色
照清眸常記結碕狂客邀我登樓雪霽杖策擁
羊裘山吐月千仞殘夜水明樓黃梁夢未覺
枕幾經秋與君解后相逐飛步碧山頭舉酒一
觴今古歎息英雄骨冷清淚不能收鸚鵡更誰
賦遺恨滿芳洲

滿庭芳

山聳方壺潮通碧海江陳自昔名家玉真仙子
璫珮粲朝霞一種天香勝味笑楊梅不數枇杷
難摸寫牟尼妙質光透紫丹砂咨嗟如此輩

不知何爲留滯天涯料甘心遠引無意紛華一
任姚黃魏紫供吟賞銀燭龕紗南遊士日餐千
顆不願九霞車

又鄧州席上

千古南陽劉郎鄉國依約楚俗秦風英姿豪氣
耆舊笑談中璫珮來從帝所許洲花潭菊從容
霜秋曉涼生日觀極目送飛鴻 主公天下士
揮毫萬字一飲千鍾醉高歌起舞喚醒人龍我
自人間漫浪平生事南北西東辭公去寒眸漱
電曾識小安豐

又 陳覺叟雪中見過

五十七年侵尋老矣小菴初築林垞故人相過
嘉雪舞祥霏遍野跳珠濺玉縱兒童收滿金瓶
明年待洗光銀海袖手看昇平 先生齊物久
蟻邱罷戰蝸角休征趣樽前身健有酒須傾隨
分村歌社舞何須問武宿文星忘懷矣未能忘
酒相與醉忘形

又 重午登霞樓

千古黃州雪堂奇勝名與赤壁齊高竹樓千字
筆勢壓江濤笑問江頭皓月應曾照今古英豪

菖蒲酒甌樽無恙聊共訪臨臯 陶陶誰晤對
粲花吐論宮錦紉袍借銀濤雪浪一洗塵勞好
在江山如畫人易老雙鬢難侏升平代憑高望
遠當賦反離騷

驀山溪

和虞彥恭寄錢遜叔

平生堂上側盞歌南浦醉望五州山渺千里銀
濤東注錢郎英遠滿腹貯精神窺素壁墨栖鴉
歷歷題詩處 風裘雪帽踏遍荆湘路回首古
揚州沁天外殘霞一縷德星光次何日照長沙
漁父曲竹枝詞萬古歌來暮

又游南山

琬弓繡帽戲馬秦淮道風入馬蹄輕曾踏遍淮
堤芳草飛英點點春事已闌珊風雨橫別離多
斷送英雄老功名終在休惜芳樽倒談笑下
燕雲看千里風驅電掃男兒此事莫待鬢絲棼
漢都護萬年觴玉殿春風早

念奴嬌 淮上雪

天人何意碎瓊璫玉珮書空千尺筍笠蓑衫扁
舟下淮口煙林如織蜚觀嶙峋子亭突兀影浸
澄淮碧綸巾鶴氅是誰獨笑攜策遙想易水

燕山有人方醉賞六花如席雲重天低酣歌罷
膽壯乾坤猶窄射雉歸來鐵鱗十萬踏碎千山
白紫簫聲斷喚回春滿南陌

又

雲收天碧漸風高露冷羣喧初寂遠浦歸舟荒
渡口牽蓬橫棹隄側一帶澄江十分蟾影千里
寒光白衿懷迎爽有人獨步攜策遙想簾捲
瓊樓凭欄凝望此意知何極聲斷秦簫雙鳳駕
凌厲飛仙同藉問漢乘槎採珠臨海往事空蹤
跡莫辭吟賞終宵清景難得

又

晚煙凝碧漸漁村
山市人歸寂寂有客飛舟遠
顧訪應訝綸巾歌側得意忘年推誠投分高論
追元白英標逸氣笑予窮抱真策興盡又復
言歸秋風分袂浩蕩思無極咫尺昭山明萃壁
那知中隱咸藉說夢難聽閉門尋夢肯念栖萍
跡浪吟狂醉幾時還共重得

鷓鴣天

壽劉方明

昔有書生薦壽杯
清詞妙絕賀方回
黃花也欲爲君壽
先向重陽六日開
躋楚俗上春臺
政

成歸去位三台明年壽酒君王勸知有傳宣勅
使來

又壽杜士美

帝乙何年騎玉龍武夷仙伯笑相從長庚瑞應
遊仙夢碧藕花開解愠風歌既醉樂元豐明
良相悅壽無窮野人更有深深祝笑指三台十

八公

三台壽松
在南岳

又壽張徽猷

桃李紛紛春事催桐花風定牡丹開天麟下作
人間瑞玉燕清宵入夢來紅玉耐紫霞杯五

雲深處望三台君家況有庭前栢好箇擎天八
柱材

臨江仙 和子安

眼看西園紅與紫年來幾度芳菲吾生四十漸
知非祇思青筇笠江上雨霏霏 飲酒但知尋
夏季不須遠慕安期丹成仙去是何時龜藏何
必學春日正遲遲

又

此理循環如引鋸春來百草菲菲道人一笑悟
前非功名真長物夕霏與朝霏 夢褥清孫今

祿隱漫郎自許風期江樓景物得旬時平蕪三百里天濶夕陽遲

又與劉拐

問道洛陽花正好家家遮戶春風道人飲處百壺空年年花下醉看盡幾番紅此拐又從何處去飄蓬一任西東語聲雖異笑聲同一輪清夜月何處不相逢

浣溪沙

鐵舟洪江步下

起看船頭蜀錦張沙汀紅葉舞斜陽杖拏驚起睡鴛鴦木落羣心瑤玉口霜和冷月浸澄江

疎蓬今夜夢瀟湘

又壽趙倅

艾勝迎薰壽縷長
碧筩酒泛綠蒲香
萬家喜氣在都梁
小閣幽軒新料理
舞衫歌扇且傳觴
看君飛步小明光

又張金志洗兒

招福宮中第幾真
食花辟穀小夫人
天翁新與玉麒麟
我識外家西府相
玉壺冰雪照青春
小郎風骨已凌雲

踏莎行

夢得光宗河東右族向來到耳聲華熟游從兩
世記金蘭風流二阮居南北 今夕何辰相親
燈燭一廬我願依韋曲長君未可賦驪駒山人
莫爲蒲輪促

又

我自山中漁樵冷族一邱一壑平生熟竭來江
海寄餘生心兵語寔頻奔北 九里靈河十分
光燭分輝借潤須鄰曲柳家兄弟莫嗔人狂奴
小戶元低促

又